

# Sinfónían spilar á Proms í ágúst

- Sinfóníuhljómsveit Íslands flytur Geysi eftir Jón Leifs í Royal Albert Hall í Lundúnum
- Fyrsta sinn sem Sinfóníunni er boðið að spila á Proms ● Langþráður draumur og mikill heiður

María Margrét Jóhannsdóttir  
mariamargret@mbl.is

Sinfóníuhljómsveit Íslands mun leika íslensk tónverk eftir Jón Leifs og Hauk Tómasson á bresku tónlistarháttíðinni Proms í sumar. Þetta er í fyrsta sinn sem hljómsveitin kemur fram á þessari virtu tónlistarháttíð en tónleikarnir verða haldnir í Royal Albert Hall 22. ágúst næstkomandi.

Arna Kristín Einarsdóttir, framkvæmdastjóri Sinfóníuhljómsveitarinnar, segir þetta vera mikinn heiður fyrir hljómsveitina. „Þetta er langþráður draumur sem nú er að rætast,“ segir hún um tónleikana. „Í þessum klassíska heimi tónlistar er þetta stærsta tónlistarháttíðin. Þetta er mjög skemmtileg háttíð en yfirbragð hennar er mjög óformlegt og afslappað en leitast er við að ná til breiðari hóps,“ segir Arna. „Þetta er gríðarleg landkynning og skipuleggjendur hátíðarinnar hafa greinilega mikla trú á okkur því þeir gefa okkur föstu dagskvöldið í Royal Albert Hall sem



Proms Ilans Volkov stýrir Sinfóníuhljómsveit Íslands á Proms en einleikari verður Jonathan Bliss.

þykir flottasta tónlistarkvöldið.“ Efnisskrá tónleika Sinfóníunnar verður fjölbreytt en flutt verða meðal annars Geysir eftir Jón Leifs, Magma eftir Hauk Tómasson, pí-

anókonsert eftir Schumann og fimmta sinfónía Beethovens. „Ég er sannfærð um að tónverkin sem valin hafa verið til flutnings munu höfða til fólks. Geysir eftir Jón Leifs er

mjög áhrifaríkt verk og Haukur Tómasson er eitt helsta núlifandi tónskáld okkar. Dagskráin gefur því eins konar ágríp af okkar tónlistarsögu. Svo verða flutt fleiri verk eins

**Um BBC Proms**

- » Proms-tónlistarháttíðin hófst í kringum 1895. Proms er stytting á orðinu „promenade concert“ sem vísar til úti-tónleika þar sem gestir geta gengið um og spjallað á meðan hlustað er á tónlistina.
- » Þegar Proms stendur yfir þá eru rými tónleikasalanna nýtt betur og áhugasömum gert kleift að kaupa miða í stæði á sanngjörnu verði.
- » Tónlistarháttíðin stendur yfir dagana 18. júlí til 13. september og fer að mestu leyti fram í The Royal Albert Hall í London.

og til dæmis fimmta sinfónía Beethovens sem er frægasta sinfónía í heimi og mikil áskorun fyrir okkur að flytja það verk,“ segir Arna.

## 3,2 tonn af dúni úr landi

- Útflutningstekjur af æðardúni námu rúmum 612 milljónum árið 2013 ● 800 kíló seld út fyrstu þrjá mánuði ársins 2014 ● Varp á 400 jörðum ● Mikilvæg tekjulind

Hólmfríður Gísladóttir  
holmfridur@mbl.is

Útflutningstekjur af æðardúni námu 612,6 milljónum króna í fyrra en þá voru 3,2 tonn af dúni flutt úr landi, samkvæmt bráðabirgðatölum Hagstofu Íslands. Þetta var fjórða árið sem útflutningur nam meira en 3 tonnum og annað árið í röð sem útflutningstekjurnar voru yfir hálfur milljarður króna, segir Guðrún Gauksdóttir, formaður Æðarræktarfélag Íslands. Um er að ræða umtalsverða verðmætaaukningu frá fyrra ári en 2012 fluttu Íslendingar út 3,1 tonn af dúni fyrir 515 milljónir króna.

„Þetta hefur alltaf gengið í sveiflum en við höfum átt mjög góð ár undanfarið og útlitið er gott fyrir þetta ár líka,“ segir Guðrún en fyrstu þrjá mánuði ársins voru 800 kíló seld úr landi. Hún segir eftirspurnina mikla og kannast ekki við að æðarbændur hafi setið uppi með birgðir frá fyrri árum síðustu ár en stærsti hluti dúnsins er seldur til Japans og Pýskalands, auk þess sem einhver kíló fara til Danmerkur, Austur-



Morgunblaðið/Einar Falur

Æðarheiður Bændur fá í kringum 170 þúsund krónur fyrir kílóid en í það þarf um 60 hreiður.

ríkis, Frakklands og Taívans, og frá og með síðasta ári, Kína og Suður-Kóreu.

Votviðri á Suður- og Vesturlandi og flóð á Norðausturlandi settu strík í reikning einhverra

æðarræktenda í fyrravor en ekki er annað að sjá á útflutningstölunum en að ræst hafi úr þegar leið á júnímánuð. Guðrún segir æðarbændur þegar farna að huga að varpi en sumstaðar sé staðinn vörður um varplöndin allan sólarhringinn, m.a. til að vernda þau fyrir vargi. Tófan hafi verið að sækja í sig veðri, t.d. á Vestfjörðum.

Guðrún segir eitthvert æðarvarp á yfir 400 jörðum á landinu en yfir 80% alls dúns sem seldur er í heiminum kemur frá Íslandi. Fæstir þeirra sem hirða dúninn hreinsa hann sjálfir en stóru hreinsunaráðilarnir eru um tíu talsins, að sögn Guðrúnar.

Hún segir að bráðabirgðaniðurstöður nýrrar könnunar Æðarræktarfélag Íslands meðal félagsmanna bendi til þess að um helmingur þeirra sem hafa dúntekjur séu tómtundabændur og að helmingur stundi hefðbundinn búskap. „Það er verið að vinna úr þessari könnun en við sjáum alla vega að þetta er í mörgum tilvikum mikilvæg tekjulind fyrir þá sem stunda hefðbundinn landbúnað,“ segir hún.

## Vilja öfluga konu í 1. sæti

- Sigmundur treystir kjördæmasambandinu

Stjórn kjördæmasambands Framsóknarflokksins hefur fullt traust Sigmundar Davíðs Gunnlaugssonar, forsætisráðherra og formanns Framsóknarflokksins, til að velja sigurstranglegan lista fyrir borgarstjórnarkosningarnar í lok maí að sögn Jóhannesar Þórs Skúlasonar, aðstoðarmanns forsætisráðherra. „Formaður flokksins ætlar ekki að tjá sig um málið. Hann er staddur á fundi með forsætisráðherra Hollands núna en þetta er líklega fyrsti fundur forsætisráðherra Íslands og Hollands frá því Íesaveiðilan kom upp,“ segir Jóhannes.

Þórir Ingbórsson

Þórir Ingbórsson, formaður kjördæmasambands Framsóknarflokksins, segir málin skýrast á þriðjudaginn en þá verður nýr listi flokksins í Reykjavík kynntur í kosningamiðstöð Framsóknarflokksins í Reykjavík við Suðurlandsbraut. Spurður hvort Guðrún Bryndís Karlsdóttir, sem vermir annað sæti núverandi lista muni taka við, segir hann ekkert vera niðurnegt. „Áhugi okkar er að fá öfluga konu til að leiða lista Framsóknarflokksins í Reykjavík en það er ekkert niðurnegt,“ segir Þórir.

### Listinn kynntur á þriðjudag

Óvist er hver mun leiða lista Framsóknarflokksins í Reykjavík en Guðni Ágústsson, fyrrverandi formaður flokksins, tók þá ákvörðun í gær að leiða ekki listann í Reykjavík en vonir voru bundnar við að Guðni færi fyrir listanum í vor. Þórir Ingbórsson, formaður kjördæmasambands Framsóknarflokksins, segir málin skýrast á þriðjudaginn en þá verður nýr listi flokksins í Reykjavík kynntur í kosningamiðstöð Framsóknarflokksins í Reykjavík við Suðurlandsbraut. Spurður hvort Guðrún Bryndís Karlsdóttir, sem vermir annað sæti núverandi lista muni taka við, segir hann ekkert vera niðurnegt. „Áhugi okkar er að fá öfluga konu til að leiða lista Framsóknarflokksins í Reykjavík en það er ekkert niðurnegt,“ segir Þórir.

Í yfirlýsingu sem Guðni sendi frá sér segir hann að að vel hugsuðu máli og í samráði við fjölskyldu sína ætli hann ekki að gefa kost á sér til að leiða listann.

## Prestur fetar í fótspor afa síns

- Mannskipti í Fíladelfíukirkjunni

María Margrét Jóhannsdóttir  
mariamargret@mbl.is

Tveir prestar taka við stjórnartaumunum í Fíladelfíukirkjunni í júní en á aðalfundi kirkjunnar síðastliðinn þriðjudag var ákveðið að tveir prestar skyldu sinna störfum forstöðumanns kirkjunnar, þeir Helgi Guðnason og Aron Hinriks-son. Taka þeir við af Verði Leví Traustasyni.

Athygli vekur að Helgi fetar með þessu í fótspor afa síns en föðurafi Helga var Einar Gíslason sem var til margra ára forstöðumaður í Fíladelfíu í Reykjavík og Betel í Vestmannaeyjum.

„Þetta er ekki með vilja gert. Ég

er alinn upp í kirkjunni og þekki sögu hennar vel. Líf mitt hefur því alltaf verið samofið kirkjustarfinu en þetta er starf sem velur mann frekar en öfugt.“

### Engar sviptingar í vændum

Spurður hvort búast megi við áherslubreytingar með nýjum mönnum segir Helgi það vel geta verið. „Ég hef verið aðstoðarprestur í þrjú ár þannig að það verða ekki miklar sviptingar en þetta er þó gott tækifæri til þess að meta hvað skilar góðum árangri og hvað ekki. Við Aron munum sinna ólíkum verk-efnum en samkvæmt íslenskum lögum er alltaf einn ábyrgur gagnvart ríkinu og ég mun gegna þeirri stöðu.



Morgunblaðið/Kristinn

Fíladelfía Helgi Guðnason prestur fetar í fótspor Einars Gíslasonar, föðurafa síns, sem forstöðumaður í Hvítasunnukirkjunni í Fíladelfíu.

Hugsunin er sú að við skiptum þessu eftir því hvar styrkleikar okkar liggja. Ég mun t.d. halda utan um kennslustarf kirkjunnar en Aron mun hins vegar sinna rekstri hennar svo fátt eitt sé nefnt.“

Helgi sem er 31 árs segir mikla ábyrgðartilfinningu fylgja starfinu.

„Þetta er jafn ógnvekjandi og það er spennandi. Þó svo að við Aron séum báðir ungir að árum þá erum við samt samanlagt með átján ára reynslu. Við finnum að það er mikill hugur í fólki og allir eru reiðubúnir að sækja fram og láta gott af sér leiða,“ segir Helgi.

